
XALQ BIRLASHADIGAN KUN

Shu yilning 18 mart kuni O'zbekiston Respublikasi Prezidenti Shavkat Mirziyoyev ishtirokidagi videoselektor yig'ilishida koronavirus muammosiga alohida e'tibor qaratildi.

Ta'kidlanganidek, bugungi kunda ushbu xavfli infeksiya dunyoning 160 dan ortiq mamlakatiga tarqaldi. Epidemiya keng yoyilib ketgani sababli Jahon sog'liqni saqlash tashkiloti uni pandemiya deb e'lon qildi. afsuski, bu yuqumli xastalik mamlakatimizni ham chetlab o'tmadi.

Bu vaziyat oldindan to'g'ri baholangan holda davlatimiz rahbari topshirig'i asosida Respublika maxsus komissiyasi tuzildi hamda yurtimizga kasallikning ommaviy kirib kelishi va keng tarqalishining oldi olinishiga erishildi.

Mamlakatimizning har bir hududida hokimlar rahbarligida maxsus shtablar tashkil etildi. Hududlar kesimida epidemiologik vaziyat bo'yicha kunlik ma'lumotlar tahlil qilinib, tezkor choralar ko'rib borilmoqda.

Prezidentimiz boshchiligidagi o'tkazilgan selektordan so'ng viloyat hokimi va o'rinbosarlari, huquqni muhofaza qiluvchi idoralar, soliq, sog'liqni saqlash, sanitariya-epidemiologik osoyishtaligi markazi, xalq ta'limi viloyat boshqarmalari boshliqlari va boshqa ishchi guruh a'zolari ishtirokida viloyat shtabining tezkor yig'ilishi o'tkazildi.

Viloyat hokimi, maxsus shtab rahbari Shuhrat G'aniyev vaziyat to'liq nazorat ostida ekanini aytib, hech qanday xavotirga asos yo'qligi bois vahimaga tushmaslik borasida O'zbekiston Respublikasi Prezidenti Shavkat Mirziyoyevning xalqqa murojaati ma'no-mazmunini viloyatdagi vaziyat bilan bog'lab tushuntirib berdi.

ziz farg'onaliklar!

Muhtaram Prezidentimiz ta'kidlab o'tganlaridek, xalqimiz bu hayotning ko'p og'ir sinovlarini va yaxshi-yomon kunlarini boshidan kechirgan. Millati, tili va dinidan qat'i nazar, hammamiz yakdilmiz va, ishonamizki, bu qiyinchiliklar, albatta, o'tib ketadi.

Hozirgi kunda viloyat bo'yicha sanitariya-epidemiologik osoyishtaligi markazlarida 335 ta, davolash profilaktika muassasalarida 2098 ta maxsus himoya kiyimi va vositalari, 2554 kg zararsizlantirish moddalar va 220 dona avtomaks (purkagich) apparatlari zaxirasi yaratildi. Viloyat hokimligi tomonidan qo'shimcha ravishda 1,2 tonna gipoxlorid kalsiy zararsizlantiruvchi moddasi, 40 ta purkagich, 20 ta masofadan turib o'lchovchi termometr, 70 ta maxsus ish kiyimlar ajratildi.

Koronavirus infeksiyasiga gumon qilingan bemorlarni yotqizish uchun shahar va tumanlarda 100 dan ortiq zaxira o'rinlari tashkil etildi. Viloyat yuqumli kasalliklar shifoxonasi hamda 19 ta shahar va tuman bo'limlarida maxsus bokslar, malakali mutaxassislardan iborat 22 ta tezkor brigadalar shay holga keltirildi. Ularga maxsus reanimobillar birlashtirilib, himoya vositalari bilan ta'minlandi. Har bir shahar-tumanda eng kerakli 21 xil turdagi dori vositalari va tibbiy buyumlar zaxirasi yaratildi.

Viloyatning chegara hududlarida joylashgan 8 ta sanitariya-nazorat punktlari tibbiy ko'riklar o'tkazish uchun kerakli jihoz va anjomlar bilan ta'minlanib, tunu kun navbatchilik tashkil etildi. Chegara hududlarda bojxona postlari qoshidagi 5 ta nazorat punktlari masofadan turib istimali bemorlarni aniqlash uchun teplovizorlar bilan ta'minlandi.

Shu yilning o'tgan davrida viloyatimizga endemik davlatlardan qaytgan 508 nafar fuqarolar nazoratga olindi. Hozirgi kungacha 381 nafarida 14 kunlik tibbiy kuzatuv muddati tugadi, 2117 nafarida tibbiy kuzatuv davom etmoqda. Qirg'iziston va Tojikiston bilan chegara hududlardagi 7 ta chegara o'tkazish punktlarida chet el fuqarolarini yurtimizga kirib kelishi vaqtincha to'xtatildi.

Belgilangan tadbir asosida savdo va oziq-ovqat, maishiy xizmat va ijtimoiy soha obyektlari hamda aholi gavjum joylarda dizinfeksiya hamda zararsizlantirish ishlari olib borilmoqda. Viloyatdagi maktabgacha taʼlim tashkilotlari, maktab, oʻrta maxsus va oliy taʼlim muassasalari vaqtincha yopildi. Respublikamizning turli oliy taʼlim muassasalarida oʻqiyotgan 8414 nafar fargʻonalik talabalar toʻliq yashash manzillariga yetib keldi. Fargʻonaga boshqa viloyatlardan kelib taʼlim olayotgan 527 nafar oʻquvchi va 3835 nafar talbalar uylariga qaytarildi.

Prokuratura va soliq organlariga bozorlarda oziq-ovqat mahsulotlari narxi sunʼiy oshishining oldini olish boʻyicha tegishli vazifalar yuklatildi. Har bir hududda prokuratura, departament, soliq inspeksiyasi, dehqon bozorlari rahbarlari va boshqa mutasaddi idoralar masʼul xodimlari ishtirokida ishchi guruhlarini shakllantirildi.

Ishchi guruhlarini tomonidan 27 ta dehqon bozorlari va ularda faoliyat olib borayotgan 15 mingdan koʻproq tadbirkorlar, 28 ta savdo komplekslari, 2950 ta oziq-ovqat doʻkonlari, 20 dan ziyod supermarketlar, 803 ta dorixonalar, 7 ta un va 2 ta oʻsimlik yogʻi ishlab chiqaruvchi tadbirkorlik subʼektlari narxni asossiz oshirmaslik, aks holda jinoiy javobgarlikka boʻlgan choralar qoʻllanishi xususida rasman ogohlantirildi.

Navroʻz bayrami munosabati bilan dehqon bozorlarida aholiga arzon narxda kundalik zaruriy oziq-ovqat mahsulotlarini yetkazib berish uchun savdo yarmarkalari faoliyat koʻrsatmoqda. Shu bilan birga, viloyatdagi yirik savdo obyektlarida 521,6 tonna oziq-ovqat va qishloq xoʻjaligi mahsulotlari zaxirasi shakllantirilib, sotib boʻlingan mahsulotlar oʻrni peshma-pesh toʻldirilmoqda. Fargʻona, Margʻilon va Qoʻqon shaharlari aholisini qishloq xoʻjaligi mahsulotlariga boʻlgan ehtiyojini toʻliq taʼminlash maqsadida 17-31 mart kunlari tumanlardagi fermer, dehqon, chorvachilik xoʻjaliklari tomonidan mahsulot yetkazib berish reja asosida amalga oshirilmoqda.

ʻyni shunday sinovli kunlarda viloyatning barcha hududlarida narx-navo barqarorligini taʼminlash, mahsulotni qoʻldan-qoʻlga oʻtishi va sifatini nazorat qilish, savdo tartib-qoidalarini qatʼiy taʼminlash boʻyicha mahalliy hokimliklar, sanitariya-epidemiologik osoyishtaligi markazi, soliq, monopoliya, statistika va veterinariya sohasi mutaxassislari biriktirilib, kunlik nazorat tizimi yoʻlga qoʻyilgan.

Ishonamizki, Ibn Sinoning vahimani oʻzi yarim kasallikdir, xotirjamlik yarim sogʻliqdir, sabr esa shifoning boshlanishidir, degan hikmatli oʻgitiga amal qilgan Fargʻona ahli milliy qadriyatlarimiz ruhida oʻzaro ahil va inoq, hamjihat boʻlib, bu kasallikni yorugʻ yuz bilan yengib oʻtishda faollik va fidoyilik xislatlarini namoyon etadilar.

Fargʻona viloyati hokimligi xabarot xizmati

[Facebook](#), [Telegram](#), [Veb sayt](#), [YouTube](#)

2020-03-20 12:40:28